

(钦定)平定七省方略

北京中国书店印行



欽定平定陝甘新疆回匪方略卷二百六十 壬申年

正月十八日

癸卯

暫護綏遠城將軍歸化城副都

統富勒琿奏言此次調赴伊犁之吉林黑龍江

官兵一千名疊奉

諭旨嚴催起程前進沿途需用駝隻誠恐各臺不支貽

誤軍行當飭土默特參領達爾濟會同歸化廳

同知庚械仿照運糧章程雇覓商民駝隻分起

送赴克克伊爾根地方以便該官兵按期起程
仍飛飭四子郡王達爾漢貝勒二旗札薩克將
所需氈房等項寬爲預備該官兵現分十二起
行走每起派佐領驍騎校各一員護送共需銀
四千八百餘兩現就歸綏道庫先行提款墊辦
應請

飭下山西撫

臣

迅由藩庫照數籌撥歸還以清款項奏

八

上命軍機大臣傳諭定安富勒琿鮑源深曰調赴伊犁之吉林官兵已於上年十二月初六日起程其黑龍江官兵亦卽接踵進發富勒琿以土默特四子郡王等所管蘇木六臺供應不支恐致貽誤軍行仿照運糧章程雇覓商人駝隻分起運送以期迅速卽著飭令該官兵等趲程前進不得稍涉遲緩其雇用駝價

等項銀兩現由歸綏道庫先行墊用著俟該官兵全
數起程後由定安富勒琿將墊用銀數咨照鮑源深
飭令藩司照數籌撥歸還以清款項

二十三日 戊申 杜嘎爾奏言前奉

諭旨抽調伊犁馬隊前赴哈爾呢敦一帶扼紮查有富
珠哩軍務熟悉堪以派令前往其所帶吉林兵
一隊已飭分起由驛前進俟到彼時相度地勢

擇要駐紮一面知照烏庫各營以期聲勢聯絡
其遣赴濟斯洪果爾各處官兵沿途需用駝隻
或就各營選用或於附近地方雇覓不致貽誤
臣仍督飭各營嚴密偵探如有西竄逆匪出境
騷擾當卽相機迎勦以遏寇氛奏入

上命軍機大臣傳諭金順奎昌多布沁札木楚杜嘎爾
張廷岳阿爾塔什達曰前因肅州回逆有分股由西

路欲犯烏城之信當諭令杜嘎爾撥隊前赴哈爾呢
敦一帶扼紮現經杜嘎爾派富珠哩前往其所帶吉
林兵一隊已分起前進卽著飭令富珠哩迅速到防
相度地勢擇要駐紮與烏庫各營協同防剿毋稍疏
虞金順奎昌多布沁札木楚張廷岳阿爾塔什達仍
當分飭各營聯絡聲勢以壯軍威至遣赴濟斯洪果
爾各處官兵需用駝隻旣經杜嘎爾於各營內選擇

齊備仍一面設法雇覓卽著趕緊解送俾利師行肅
回既有春閒西竄之言該將軍等務宜督飭各營認
真防範如有肅回西竄警信杜嘎爾仍當立卽派隊
迎剿迅殄逆氛

二十七日 壬子 景廉奏言 臣 於上年十月初三日

由哈密起程赴巴里坤籌畫進兵事宜查巴里
坤距烏魯木齊一千三百餘里正站向白蘇吉

下肋巴泉務塗水噶順行走亂山雜沓石徑崎
嶇至木壘河迤西始有平坦亂後塘驛全撤杏
無人煙冬日雪沒馬腹惟西北兩路一由萊子
地至闖泉一由臥龍古溝至闖泉均可達木壘
河奇台古城等處此二途係商販所經並非正
站路險雪深與正站無異奇古迤西濟木薩時
有賊蹤來往阜康縣古牧地均爲賊擾指日大

軍西進惟有探何路雪少卽由何路前進南山
一帶如穆家地溝白山子鹽池等處皆通吐魯
番惟必須分兵豫顧後路方免腹背受敵此由
哈赴烏大概情形也臣現暫駐巴里坤遵查趙
興體等團勇敢愾同仇尙知大義惟各營糧餉
缺乏誠恐見異思遷臣已派員馳赴西路一帶
撫慰並挪借商款發給每營銀三百兩孔才馬

三才圖會卷之三
三
隊銀四百兩俾資接濟將來大兵雲集急宜豫
採軍糧以資騰飽需價銀三萬餘兩暫匯兌商
銀付給少半其餘無款可籌查臣前在哈密每
遇本城餉銀及請撥山東糧價山西專餉等款
到時均經文麟分撥臣營三分之一刻下大兵
西進需餉浩繁應請

飭該大臣照前分撥以應要需至臣所留哈密兩營靖

邊前營現已飛飭該營官等撥隊來坤咨行科
布多大臣將採買駝隻委員運解以利師行一
俟哈密各營到坤卽行陸續西進奏入

上命軍機大臣傳諭景廉文麟常順保英伊勒屯曰景
廉馳抵巴里坤後探悉趙興體等民團尙知大義特
恐該營糧餉缺乏見異思遷已派員赴西路一帶撫
慰各營分別給予銀物所辦甚是惟當隨時駕馭拊

循俾趙興體孔才等營始終固結不致渙散軍糧採
辦維艱前已諭李鴻章等分飭口北歸綏兩道廣爲
採辦並諭金順等籌辦轉運事宜以備征兵之用巴
城採買糧石尙未交齊著伊勒屯隨時督催毋稍膜
視將來大兵西進需餉尤多所有應解哈密餉銀及
該都統請撥之山東糧價山西專餉部餉等款仍著
文麟照前分撥三分之一以應要需現在春氣漸融

前留哈兩營及靖邊前營已可拔隊起行著景廉催
提前進毋任逗留一俟各營到巴卽著陸續西進迅
赴戎機並著常順保英迅卽採買駝牛羊隻委員解
赴巴城交景廉軍營應用以利師行

二月初二日

丙辰

張廷岳阿爾塔什達奏言前因

將軍金順屢次奏催庫倫籌備駝隻當以庫倫
東兩部落連歲捐備馬匹軍需疲於奔命奏准

暫緩惟現在烏城防剿喫緊金順宜星馳抵任

以圖事機所需駝隻刻難遲緩臣等現派員分

赴圖車兩盟勸諭各旗王公等竭力捐助以濟

要需臣張廷岳阿爾塔什達各倡捐銀二千兩

擬先派員解赴包頭應用其東兩部落各王公

等一經捐有成數卽隨時陸續解往交該將軍

收用至此次各王公等捐助之款可否援照神

機營奏定捐輸駝馬新章覈給獎敘出自

迴格鴻慈奏入得

旨張廷岳阿爾塔什達均著交部從優議敘其捐輸之
蒙古王公等准其照神機營章程奏請獎敘

張廷岳阿爾塔什達又奏言查喀喇沁各臺堆
積糧石係調取孳生駝隻運解古北口練軍出
口係雇駝支應惟孳生駝隻旣多口輕身弱難